



Padre Marcolini (a sinistra in ginocchio) con mons. Tredici, con i magùcc in un villaggio in costruzione negli anni Sessanta.

## La ballata del santo muratore

Musica di Francesco Braghini  
 Testo di Elena Alberti Nulli

### Introduzione

*Quand cala zo la sera  
 sò i tècc dèla Badìa,  
 ligàde le memorie  
 a 'n fil dè fantasia,  
 me vède sò nel ciel  
 alegre enfilenàde  
 'na prucissù dè case.*

1°

*Ste müradùr del ciel  
 per fa la casa ai Sancce  
 èl pensa che ghe vòl  
 trè stanse col pozòl:*

*èl mescia la sò molta,  
 èl pucia la cariòla  
 e 'l fa co l'oratore  
 teatro, cesa e scòla.*

Rit.

3°

*Ma varda che spetàcol  
 dedré del müradùr  
 èn mèss al verd e ai fiur  
 dèi angei èn pè nücc,*

*le ale per sirèla,  
 j zòga, j fa i magùcc  
 sòl fil che senza piomb  
 èl va dè stèla a stèla.*

Rit.

### Ritornello

*Gh'è l'ort e gh'è 'l zardà  
 nel ciel senza cancèi,  
 gh'è Padre Marcolini  
 con tònega e martèi,  
 che 'l ciapa i lüzari  
 per empissà i camì  
 che j scalda la Famìa  
 e tòta la Badìa.*

2°

*Nel ciel gh'è niènt che stuna:  
 i mür j-è quarcc dè lùna,  
 i cop j-è nigoi rosa  
 chèi facc a pegurìne,*

*dè sul j-è le finestre,  
 dè ghèba le tindine.  
 Per fa le ante scüre  
 gh'è l'aria dèla nòt.*

Rit.

4°

*Ma apena nat zo 'l sul  
 j s'endormenta i angei;  
 èl varda 'l müradùr  
 le case tòte a schiera:*

*nei vèdre dèla sera  
 dèl dé che scapa via  
 le spècia tale e quale  
 le ca dèla Badìa.*

Rit.